

Lucid Linx, podgovarač USAID-ovog projekta Pravosuđe protiv korupcije u BiH

## POZIV ZA PRIJAVE

radi kreiranja liste eksperata za angažman u implementaciji planiranih projektnih aktivnosti

Lucid Linx je podgovarač za USAID-ov projekt Pravosuđe protiv korupcije u BiH (JACA) koji predstavlja petogodišnju inicijativu za vladavinu zakona i traje u periodu od 19. septembra 2019. godine do 18. septembra 2024. godine. Glavni cilj Projekta je pružiti pomoć pravosuđu u BiH u jačanju kapaciteta za efikasno gonjenje počinitelja krivičnih djela visoke korupcije, te privrednog i organiziranog kriminala. Još jedan cilj je sprječavanje korupcije u pravosudnim institucijama i jačanje njihovog integriteta. JACA i Lucid Linx će svoju podršku fokusirati na nekoliko partnerskih sudova i tužilaštava u BiH, te će tokom svog rada sarađivati sa Visokim sudskim i tužilačkim vijećem BiH i entitetskim centrima za edukaciju sudija i tužilaca.

U svrhu učinkovite implementacije projektnih aktivnosti i mandata u Godini 1, JACA i Lucid Linx žele angažirati stručnjake iz odgovarajućih oblasti koji će pružiti tehničku pomoć u implementaciji aktivnosti u okviru Komponente 1 (Unaprjeđenje procesuiranja i rješavanja najsloženijih predmeta korupcije visokog profila i organiziranog kriminala u partnerskim tužilaštvima i sudovima) i Komponente 2 (Sprječavanje koruptivnog ponašanja u sektoru pravosuđa BiH).

Projekt prvenstveno traži eksperte iz BiH i regije koji će svojom stručnošću i predanošću pomoći u implementaciji planiranih aktivnosti. Eksperti će biti angažovani na implementaciji konkretnih aktivnosti na privremenoj osnovi (Short Term Technical Assistance), na bazi opisa poslova koje Projekt bude sačinjavao u svakom pojedinačnom slučaju.

Projekt je zainteresovan za prikupljanje biografija radi mogućeg angažmana eksperata iz BiH i regije specijaliziranih u oblastima koje uključuju sljedeće:

1. Stručna znanja vezana za pitanja vođenja krivičnih postupaka koja se odnose na krivična djela visoke korupcije, organizovanog i privrednog kriminala;
2. Uvođenje i unaprijeđenje mehanizama za ostvarenje efikasnog procesuiranja krivičnih djela korupcije, organizovanog i privrednog kriminala kao što su: efikasno planiranje i vođenje složenih krivičnih istraga i mehanizmi saradnje tužilaštava i agencija za provođenje zakona u otkrivanju i krivičnom gonjenju izvršilaca pomenutih krivičnih djela;
3. Pravosudnu statistiku i razmjenu statističkih podataka sa agencijama za provođenje zakona kao mehanizama za efikasnu borbu protiv određenih oblika kriminala (korupcija, privredni kriminal i sl.);
4. Upravljačke sposobnosti u institucijama pravosudnog sektora;
5. Komunikacijske vještine, transparentnost i odnose s javnošću u oblasti pravosuđa;
6. Pojavne oblike neetičnog ili koruptivnog ponašanja unutar pravosuđa i mehanizme borbe protiv njih (npr. planovi integriteta, sukob interesa u pravosuđu, imovinski kartoni u pravosuđu, itd.);
7. Etičke kodekse koji se primjenjuju u pravosudnom sektoru (za sudije, tužioce i ostale uposlenike u pravosuđu) i mehanizme za njihovu afirmaciju i provođenje.

Potrebno je da kandidati imaju sposobnost analitičkog razmišljanja i izražavanja kao i vještine u oblasti prezentiranja i prenosa znanja. Poznavanje engleskog jezika smatraće se kao prednost.

Zainteresovani eksperti treba da dostave svoje biografije na engleskom jeziku, uz naznaku polja ekspertize na e-mail adresu: [info@lucid.ba](mailto:info@lucid.ba).

Lucid Linx će, na osnovu dinamike realizacije planiranih aktivnosti, direktno kontaktirati moguće kandidate i pregovarati o uslovima za njihovo angažovanje. Prijava na ovaj poziv ne garantira angažman eksperta.

\* \* \*